

**10 АВГУСТА: Служба Пресвятёй Богородице, ради иконы Ея,
именуемая «Умиление» или «Радость всех радостей».**

Вечером 9 августа

Изменяемое №1

На Господи воззвах:

Стѹх: Изведи из темницы душу мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Глас 5: Радуйся, Богомати Пречистая;/ радуйся, верных надеждо;/ радуйся, обитель нашу избавляющая всяких скорбей;/ радуйся, покрывающая рабы Твоя;/ радуйся, Невесто Невестная,/ радуйся, всех радостей Радосте.

Стѹх: Да будут уши Твои внемлюще гласу моления моего.

Всем сердцем прославляем и почитаем/ имя Твое и место обители Твоея/ и святую икону Твою,/ радостно поем Тебе:/ радуйся, Невесто Невестная,/ не остави нас, сирых и беззащитных,/ во обстояниих лютых,/ избави нас вечнаго мучения/ и сподоби Царствия Сына Твоего и Бога нашего,/ всех радостей Радосте.

Стѹх: Аще беззакония азриши, Господи, Господи, кто постоит; яко у Тебе очищение есть.

Ты Ангелов радость, Владычице Всепетая,/ Ты еси Предстательница наша,/ к Тебе прибегаем во всякой нужде и скорби,/ покрый обитель Твою и спаси рабы Твоя, поющия Ти:/ радуйся, всех радостей Радосте.

Стѹх: Имене ради Твоего потерпех Тя, Господи, потерпé душá моя в слово Твое, уповá душá моя на Господа.

Вси чистую совестью Богородице припадём,/ вопиюще Ей непрестанно:/ радуйся, всех радостей Радосте,/ радуйся, Заступнице девствующих,/ спаси обитель, Тебе посвященную,/ покрый от бед и нужды всякия,/ Тебе бо вси стяжанием Матери/ и утверждение и образ девства,/ под кровом Твоим сохраняеми,/ радостно зовуще Ти:/ радуйся, Дево,/ радуйся, всех радостей Радосте.

Стѹх: *От стра́жи ўтрення до но́щи, от стра́жи ўтрення, да упова́ет Изра́иль на Го́спода.*

Ра́дуйся, Непосты́дная Предста́тельница;/ ра́дуйся, Преблага́я Богоро́дице;/ ра́дуйся, Засту́пнице обурева́емым;/ ра́дуйся, Я́же всем помога́ющая, сущим в ну́ждах,/ Ты ўбо сохрани́ и мене́, Де́во,/ всех ра́достей Ра́досте.

Стѹх: *Я́ко у Го́спода ми́лость, и мно́гое у Него́ избавле́ние, и То́й изба́вит Изра́иля от все́х беззако́ний его́.*

Глас 2: Вельми́ добро́тою украси́ Тя Бог,/ я́ко челове́ком Свет даде́ на руку́ Твое́ю,/ Ты же, в сия́нии Его́ сущи,/ упова́ние христиа́ном,/ Помо́щница им в ну́ждах и ско́рбех,/ всех ра́достей Ра́досте и приста́нище тружда́ющимся,/ моли́ изба́виться оби́тели от напа́стей,/ любо́вию пою́щим Тя/ и моля́щимся всечестно́му о́бразу Твоему́, Умиле́ние.

Стѹх: *Хвали́те Го́спода всѹ язы́цы, похвали́те Его́ всѹ лю́дие.*

Еди́на еси́ всех Предста́тельница христиа́н,/ Богома́ти Пречи́стая,/ услы́ши на́ше моле́ние,/ воззри́ на ны, Всепе́тая,/ спаси́ град весь и оби́тель Твою́/ и озари́ ста́до Твое́/ благода́тию Твоего́ заступле́ния, Умиле́ние.

Стѹх: *Я́ко утверди́ся ми́лость Его́ на нас, и ѹстина Госпо́дня пребыва́ет во ве́к.*

Да лику́ет све́тло избра́нная Тобо́ю оби́тель,/ иму́щи чудотво́рную ико́ну Умиле́ния Бо́жия Ма́тере,/ Ю́же ублажа́ем Божество́нными пе́сньми:/ ра́дуйся, ве́рных спасе́ние;/ ра́дуйся, всех ра́достей Ра́досте;/ ра́дуйся, Невесто́ Неве́стная.

Сла́ва, и ны́не, глас 8: Богоро́дицу Мари́ю вси воспо́им:/ ра́дуйся, Ма́ти Бо́жия;/ ра́дуйся, ле́стнице одушевлѣнная;/ ра́дуйся, купино́ неопали́мая;/ ра́дуйся, ста́мно всезлата́я;/ ра́дуйся, цве́те ве́ры;/ ра́дуйся, же́зде прозябы́й;/ ра́дуйся, злата́я кади́льнице;/ ра́дуйся, горó Бо́жия присѣнная, Де́во;/ ра́дуйся, разреше́ние кля́твы пе́рвыя Ёвы;/ ра́дуйся, Престо́ле Госпо́день;/ ра́дуйся, многомолі́твенная красото́;/ ра́дуйся, Влады́чице, всех ра́достей Ра́досте.

<далее см. основной Чин>

Изменяемое №2

Прокі́мен после «Све́те ти́хий»: *См. Прокимен дня <далее см. основной Чин>*

Изменяемое №4

Лития *глас 3:*

Приидіте, вси концы́ земли,/ честнóму образу Бóжия Мáтере,
Умилéнию, поклонímся:/ Та бо непрестáнно мóлится о нас/ и То́я
святýм образом нáше мéсто оживлéно бысть,/ мы же, псалмы́ и
пéснями духо́вными пою́ще Ей,/ со всéми святýми прáзднуем
свéтло.

Слáва, и ны́не, глас 8: О, преслáвнаго чудесé:/ во всех странáх Тебé
ра́ди/ прославля́емо мéсто святóе сие́, Богоневéсто,/ я́ко íмать в
себé чудотво́рную Твою́ ико́ну,/ от нея́же неизречéнная цельбы́
приёмлюще,/ благодарственнó вопи́ем Тебé и умíльно мо́лим Тя:/
Пресвятáя Дéво, спаси́ дýши нáша,/ всех рáдостей Рáдосте.

<далее см. основной Чин>

Изменяемое №5

По полиелéи седáлен *глас 1:*

Стенá необорíмая нам, христиáном, еси́, Богорóдице Дéво:/ к Тебé
бо прибегáюще, невредíмы пребывáем/ и, пáки согрешáюще,
íмамы Тя Молíтвенницу, Умилéние;/ тем, благодаря́ще, вопи́ем Ти:/
ра́дуйся, всех рáдостей Рáдосте.

Слáва, и ны́не, то́йже. <далее см. основной Чин>

Изменяемое №6

Степéнна, 1-й антифóн 4-го глáса.

Прокíмен *глас 4:* Помяну́ íмя Твое́/ во вся́ком рóде и рóде. *Стих:*
Отры́гну сéрдце моё́ слóво блáго, глаго́лю аз делá моя́ Царéви.

<далее см. основной Чин>

Изменяемое №7

По 50-м псалмé стихíра *глас 6:*

Не ввéри мя челове́ческому предстáтельству,/ Пресвятáя
Влады́чице,/ но приими́ молéние раба́ Твоегó,/ скорбь бо обдержит
меня,/ терпéти не могу́ дéмонскаго стреля́ния,/ покрóва не íмам,/ ниже́
где прибéгну, ока́янный,/ всегда́ побежда́емь,/ и утешéния не íмам,
ра́зве Тебé, Влады́чице мíра,/ упováние и предстáтельство вёрных,/
не прéзри молéние моё́,/ полéзно сотвори́.

<далее см. основной Чин>

Изменяемое №8

Канóн *глас 4.*

Песнь 1

Ирмос: *Отвѣрзу уста моя,/ и напълнятся Духа,/ и слово отрыгну Царице Матери,/ и явлюся, светло торжествуя,/ и воспою, радуясь, Тоя чудеса.*

Умилися, умилостивися, умиосердися, Владычице,/ на мя, грешного и недостойного раба Твоего,/ дерзającego воспѣти Твоя чудеса.

Мати Божия Пречистая,/ не отрини мене, окаянного и нечистаго,/ дерзającego пѣти Твоя чудеса, Умилѣние.

Инаго прибежища и тѣлаго предстательства/ к Сыну Твоему и Богу нашему не имам, Всепѣтая,/ тѣмже сподоби мя, многогрешного, восхвалити Твоя чудеса.

Лѣностию одержимъ и страстьми обуреваемъ есмь аз,/ неключимый раб Твой, Владычице,/ недоумѣю по достоянью восхвалити и прославити Твоя чудеса.

Песнь 3

Ирмос: *Твоя песнословцы, Богородице,/ живый и независтый Источникъ,/ лик себѣ совокупльшия, духовно утверди,/ в Божественней Твоей славе/ венцев славы сподоби.*

Един аз, окаянный, житиѣм согрѣших паче всех человек, Пречистая,/ но, на щедроты Твоя уповая, зову:/ душевнаго мя умилѣния сподоби.

Никтоже, прибегая с верою под Божественный Покров Твой, Владычице,/ тощ от Тебѣ исходит,/ тѣмже и аз, многогрешный, дерзая, зову:/ Божественнаго мя умилѣния сподоби.

Иаков, лѣствицу рождественную видев, рече:/ степень Божия сия, Яже еси Ты, Препѣтая;/ тѣмже молю Тя:/ благаго восхождѣния к добродѣтели и мене, люте недостойнаго, сподоби.

Юже всем благослушную в скорбех и обстоянних душевных и телесных/ яви Тя Господь, Богородице Благая,/ тако и мне, люте обуреваемому страстьми безмѣстными, слѣзы умилѣния подаждь/ и Твоего, Дѣво, Матерняго заступлѣния сподоби.

Седален, глас 5: *Превзидоша главу мою греси мой, Владычице,/ осквернен ими есмь, и несть исцелѣния в плоти моей,/ но Ты, Многоблагуотрѣбная, даруй души моей слѣзы покаяния на очищѣние*

скверн греховных/ и телесныя недуги уврачуй, Врача всяческих и Господа рождающая.

Слава, и ныне: Раны душевныя привлекоша на мя и болезни телесныя, Владычице,/ но Ты, яко Премилостивая, обою исцели, подаваяши мне неоскудный дар духовнаго умиления,/ и да непрестанно славлю Твое всемогущее заступление.

Песнь 4

Ирмос: Седяй в славе на Престоле Божества/ во облаце легце,/ прииде Иисус Пребожественный/ Нетленною Дланию и спасе зовущия:/ слава, Христэ, силе Твоей.

Идеже осенит благодать Твоя, Владычице,/ тамо всякая скорбь потребляется, веселие же водворяется,/ ейже и мене, недостойнаго, сподоби, вопиющая:/ радуйся, Богородице, всех радостей Радосте.

Слез не имам, окаянный аз, ниже душевнаго умиления,/ но Сама, яко Милосердая, сия ми подати благоволи, да взываю:/ радуйся, Дево Пречистая, всех радостей Радосте.

Немощна мя суща и окаянна струпы греховными,/ уврачуй, Пречистая, милосердия Твоего елей изливаяши,/ и воздвигни пети Тебе:/ радуйся, Владычице, всех радостей Радосте.

Омрачихся умом в житейских сладостех,/ но Ты, Владычице, свете помраченныя души моея, разгони тьму страстей моих,/ да просвещая Тобою, вопию:/ радуйся, Невесто Невестная.

Песнь 5

Ирмос: Ужасошася всяческая/ о Божественней славе Твоей,/ Ты бо, Неискусобрачная Дево,/ имела еси во утробе над всеми Бога/ и родила еси Безлетнаго Сына,/ всем воспевающим Тя/ мир подавающая.

Доколе поносит враг и низлагает долу мя, немощнаго и ослабленнаго люте душею и телом:/ умилися, Владычице, и низложи борющихся мя врагов, Всепетая,/ души моей мир подаваяши.

Выйши всех Ангел и Архангел явилася еси, Чистая Богоотроковице,/ темже молю Тя, стрелы вражия, на мя изощренныя, сокрушити,/ души мир подаваяши.

Докóле, душé моя, пребыва́еши в прегрешéниях, концá не имúщи грехóвному обы́чаю,/ возн́икни из глубины́ зол, взира́ючи держáвному заступл́ению Преч́истыя, всегда́ на по́мощь тебé скóрыя/ и благодáтию Своёю мир душ́и и т́елу подава́ющия.

Рáдость, и весéлие, и рáдование Божéственное,/ Дéво Неискусомúжная, нам умно́жися Бóжие:/ се бо, пла́чущиися люте, рáдуемся мол́итвами Тво́ими.

Песнь 6

Ирмóс: Божéственное сиé и всечестнóе/ соверша́юще прáзднество,/ Богомúдрии, Богомáтере,/ приид́ите, рука́ми воспл́ещим,/ от Нея́ рóждшагося Бóга сла́вим.

Рáдости Божéственного вел́ичия, я́ко от нача́ла нам весéлия,/ благодарéния глáсы прино́сим,/ прил́ежно почита́юще Ю́, я́ко Предстáтельница на́шу.

Достóйно Ти песнь рáдования, Ч́истая Дéво, веселя́щеся, прино́сим,/ избáвльшеся от бед Тво́ими мол́итвами.

А́нгельстии язы́цы достóйно Твоя́ хвалы́ воспéти не мóгут, Ч́истая,/ мы же ны́не, ра́бски взéмшеся,/ рáдование Гаври́лово прино́сим Ти.

Я́ко Божéственное прибе́жище, мы покрóв Твой вси стяжа́вше к Бóгу,/ в напáстех, и в гонéниях, и гресéх к Тебé прибега́ем/ и Тобо́ю изменéние приéмлем, Преч́истая.

Конда́к, глас 3: Ю́же подража́я непло́дную смоко́вницу,/ аз, ока́янный, уми́ления плода́ отню́д не приношú и посечéния страшúся,/ но, взира́я к чудотво́рней икóне Твоéй Уми́ления, Влады́чице,/ стеню́ от сéрдца и вопи́ю:/ уми́лся, Благосéрдая,/ и мне, окаменéнному сéрдцем,/ благоволи́ подáти душéвное и сeрдéчное уми́ление.

Йкос: Превзыдо́х грех́и мо́ими блудни́цу, и блúднаго, и мытаря́,/ и разбо́йника, и ниневи́тяны, аз ед́ин, ока́янный па́че всех челове́к,/ и, лиш́ився благодáти и дерзновéния ко Гóсподу, стеню́ от сéрдца и вопи́ю:/ Тя Ходáтаицу и Спорúчницу спасéния многогрéшной душ́и моéй благосотвори́,/ пода́ющи ми душéвное и сeрдéчное уми́ление.

Песнь 7

Ирмós: *Не послужиша твáри Богомúдрии/ пáче Созда́вшего,/ но, óгненное прещéние мýжески попра́вше,/ ráдовахуся, пою́ще:/ препéтый отцéв Госпóдь и Бог, благословén еси́.*

Рéку неисчерпа́емую мíлости Твоея́/ к грéшным всем, Влады́чице, изливáеши, тéмже молю́:/ напо́й мою́ жа́ждущую дýшу и изсо́хшее грехи́ сéрдце моé ороси́, да, благословя́, воспою́:/ препéтый отцéв Госпóдь и Бог, благословén еси́.

И́же всем благопослу́шная в ско́рбех и обстоя́ниях душе́вных и телéсных, Влады́чице,/ не отве́ржи и мене́, недостóйного, но сподóби пéти:/ отцéв Госпóдь и Бог, благословén еси́.

Не отрини́, Богорóдице, мене́, уязвлéнного сове́том зми́йным,/ не возгнуша́йся мене́, смра́дного грехи́ мно́гими,/ но сподóби всегда́ пéти:/ отцéв Госпóдь и Бог, благословén еси́.

Егда́ престóли на Суд поста́вятся и Суди́щу Христóву предста́нут вси земнорóднии,/ тогда́ яви́ мне, Влады́чице, Ма́тернее Твое́ заступлéние, неоску́дную по́мощь, вопи́юще:/ отцéв Госпóдь и Бог, благословén еси́.

Песнь 8

Ирмós: *О́троки благочестíвыя в пещи́/ Рожде́ство Богорóдичо спасло́ есть;/ тогда́ úбо образу́емое,/ ны́не же де́йствуемое,/ вселénную всю воздвизáет пéти Тебе́:/ Го́спода по́йте, дела́,/ и превозно́сите Егó во вся ве́ки.*

Стра́ха мя изба́ви, о Влады́чице, зло́бы и возду́шных мыта́рств./ Покажи́ на мне, недостóйнем, ве́лию мíлость Твою́, воспева́ющем:/ Го́спода по́йте, дела́, и превозно́сите Егó во вся ве́ки.

Иза́ви мя, Пренепоро́чная, озлоблéния злых челове́ков и лука́вых бесóв,/ трепéщут бо и́мене Твоегó вели́каго, я́ко дым исче́зают;/ мене́ же во умилéнии сéрдца сподóби пéти:/ Го́спода по́йте, дела́, и превозно́сите Егó во вся ве́ки.

Тéмныя вла́сти кня́зя, всегда́ борю́щего мя, немощна́го и уны́лаго, разжéнныя стрéлы угаси́, Всепéтая,/ и сподóби мя благода́рственно воспева́ти:/ Го́спода по́йте, дела́, и превозно́сите Егó во ве́ки.

Пѣние моѣ приими убѣгое, Всемѣлостивая Господѣ Дѣво, Владычице Богородице,/ Матерним Твоим милосѣрдием покрывающи поющия:/ Господа пойте, дела, и превозносите Его во вся вѣки.

Пѣснь Богородицы: Величит душá моя Господа: *<см. основной Чин>*

Песнь 9

Ирмос: Всяк земнорѣдный/ да възиграется, Духом просвещаемь,/ да торжествует же Безплѣтных умѣв естество,/ почитающее священное торжество Богоматере,/ и да вопиет:/ радуйся, Всеблаженная Богородице,/ Чистая Приснодѣво.

Егда изнемогати крѣпости моѣй/ во исходе душѣ моѣй грѣшной от окайннаго и сквернаго сего телесе,/ тогда наипаче яви на мне, недостѣйнем, крѣпкую мѣшцу Твою, Всеблагая,/ даждь в час смѣрти моея радостно зывати Тебѣ:/ радуйся, Всеблаженная Богородице, Чистая Приснодѣво.

Нищ и убѣг есмь от дел благѣх, не имѣй умиления душѣвнаго, Премѣлостивая,/ Ты Самá дарствуй ми, да благодарственно вопию:/ радуйся, Всеблаженная Богородице, Чистая Приснодѣво.

Иссопом милосѣрдия Твоего окропи мя, Пречистая,/ да очѣшуся от тяжких и лютых беззаконий моих и во умилении душѣ да зываю от сѣрдца:/ радуйся, Всеблаженная, Чистая Приснодѣво.

Еже помыслих в душѣ моѣй, по силе принесѣх пѣние Тебѣ, Владычице,/ не отрини убо обычным Твоим милосѣрдием/ и не омерзи мною, многогрѣшным и нечѣстым,/ но сподѣби всегда во умилении пѣти Тебѣ:/ радуйся, Всеблаженная Богородице, Чистая Приснодѣво.

<далее см. основной Чин>

Изменяемое №9

Светѣлен:

Тѣплое заступлѣние в бѣдах, и Помѣщницу, и к Бѣгу примирѣние,/ Ёуже тли избавихомся,/ Богородицу, вѣрнии, ублажим.

Слáва, и нынѣ: Тя Предстáтельница и́мамы, грѣшнии, о Пречистая Дѣво,/ Ты благопременѣнна сотвори Сына Твоего и Бѣга нашего/ Матерними Твоими молѣтвами.

На стиховне стихіры глас 8:

В прázдник вели́кий Богоро́дицы собра́вшеся,/ в торже́ствé
духо́внем веселя́щеся,/ пред чудотво́рною Ея́ ико́ною Умилéния
воспо́им Преблагослове́нной:/ ра́дуйся, неувяда́емый цвёте
чистоты́;/ ра́дуйся, огражде́ние Тобо́ю избра́нныя обітели,/ ейже
благоволи́ла еси́ причте́нной бы́ти ко жре́бию Тво́им на земли́;/
ра́дуйся, похвало́ де́вствующих;/ ра́дуйся, всех ра́достей Ра́досте.

Стих: Помяну́ ѱмя Твое́/ во вся́ком ро́де и ро́де.

Ра́дуйся, Яже Ра́дость ро́ждшая, Пречи́стая,/ су́щим на земли́
вои́стинну;/ ра́дуйся, спаси́тельное пристáнище и покрóве
притека́ющих к Тебе́;/ ра́дуйся, ле́стнице чи́стая, возвы́сившая
па́дших;/ ра́дуйся, всечестно́е Умилéние,/ Богоро́дице, упова́ние
душа́м на́шим.

Стих: Слы́ши, Дщи, и виждь,/ и приклоні́ ѱхо Твое́.

Се покрови́тельствуемая Тобо́ю, Де́во,/ избра́нная обітель Твоя́/
ра́достно вызы́вает Тебе́:/ прииди́ к нам, Богоневéсто, невиди́мо стáни
с на́ми,/ вложи́ пéние во уста́ на́ша/ и о́ным предначни́ торжество́
ра́достно пою́щих Ти:/ ра́дуйся, всех ра́достей Ра́досте.

Сла́ва, и ны́не, глас 4: Ра́дуйся, Све́та о́блаче;/ ра́дуйся, све́щнице
све́тлый;/ ра́дуйся, ру́чко, в нейже Ма́нна;/ ра́дуйся, же́зле Ааро́нов;/
ра́дуйся, купино́ неопали́мая;/ ра́дуйся, черто́же; ра́дуйся, Престо́ле;/
ра́дуйся, горó святáя;/ ра́дуйся, прибе́жище; ра́дуйся, Божéственная
трапéзо;/ ра́дуйся, двéре та́йная;/ ра́дуйся, всех ра́достей Ра́досте.

<далее см. основной Чин>

Утром 10 августа

По 1-м стихослóвию седа́льны глас 5:

Пречи́стая Де́во Богоро́дице,/ поми́луй нас, прибега́ющих с ве́рою
к Тебе́, Милосéрдой,/ и прося́щих те́плага заступле́ния Твоего́./
Мо́жеши бо, я́ко Благо́я, всех спасти́/ и я́ко Ма́ти Бо́га Вы́шняго
Ма́терними Тво́ими моли́твами/ всегда́ избавля́еши чту́щих Тя от
всех бед, Умилéние.

Сла́ва, и ны́не, Богоро́дичен: <далее см. основной Чин>

Изменяемое №12

По 2-м стихословии седальны *глас 1:*

**Ма́терь Тя Бо́жию мо́лим вси вои́стинну/ и к щедро́там Твои́м
вопи́ем, любо́вию прибега́юще к Тво́ей ико́не:/ Тя бо́ има́мы,
гре́шнии, Засту́пницу, Умиле́ние,/ и Тебе́ стяжа́хом в на́пастех
спасе́ние, Еди́ну Пречи́стую.**

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь *глас 4:*

**К Богоро́дице со умиле́нием припаде́м,/ вси, грехми́
обремене́ннии,/ чудотво́рную Ея́ ико́ну Умиле́ния облобыза́юще/ и
вопи́юще со слеза́ми:/ Влады́чице, приими́ моле́ние недосто́йных
раб Твои́х/ и пода́ждь нам, прося́щим,/ ве́лию Твою́ ми́лость.**

<далее см. основной Чин>

Изменяемое №14

На хвали́тех стихи́ры:

Сти́х: Сотвори́ти в них суд на́писан./ Сла́ва сия́ бу́дет всем преподо́бным Егó.

Сти́х: Хвали́те Бо́га во святы́х Егó,/ хвали́те Егó во утвержде́нии си́лы Егó.

Сти́х: Хвали́те Егó на си́лах Егó,/ хвали́те Егó по мно́жеству вели́чества Егó.

**Глас 6: Велича́ем Тя, Всенепоро́чная Ма́ти Христа́ Бо́га на́шего,/ И́же
пре́жде рожества́ Де́ва,/ и в рождестве́ Де́ва,/ и по рождестве́ па́ки
пребыва́еши Де́ва.**

Сти́х: Хвали́те Егó во гла́се тру́бнем,/ хвали́те Егó во псалти́ри и гу́слех.

**Велича́ем Тя, Всенепоро́чная Ма́ти Христа́ Бо́га на́шего,/ И́же
пре́жде рожества́ Де́ва,/ и в рождестве́ Де́ва,/ и по рождестве́ па́ки
пребыва́еши Де́ва.**

Сти́х: Хвали́те Егó в тимпа́не и ли́це,/ хвали́те Егó во стру́нах и орга́не.

**Преблагослове́нна и препросла́вленна еси́, Богоро́дице Де́во,/ я́ко
родила́ еси́ всех Творца́, Ма́ти су́щи Живота́;/ Тобо́ю прияхом мы,
гре́шнии,/ паде́ния на́шего возста́ние,/ Еди́на Благослове́нная.**

*Сти́х: Хвали́те Егó в кимва́лех доброгласных, хвали́те Егó в кимва́лех
воскли́цания./ Вся́кое дыха́ние да хва́лит Го́спода.*

**Блажи́м Тя, вси ро́ди, Богоро́дице,/ я́ко ра́дости вся ны испо́лнила
еси́,/ дарова́нием нам честна́го о́браза Твоего́, Пречи́стая,/ ему́же**

днесь поклоняющися,/ умільно мо́лим Тя:/ сподо́би, Влады́чице,
Твоя рабы́/ в бу́дущем ве́це избра́нных ра́дости.

Сла́ва, глас 8: О, пресла́внаго чудесе́:/ во всех страна́х Тебе́ ра́ди/
прославля́емо ме́сто свято́е си́е, Богоневéсто,/ я́ко има́ть в себé
чудотво́рную Твою́ ико́ну,/ от не́яже неизрече́нныя цельбы́
прие́млюще,/ благода́рственно вопи́ем Тебе́ и умільно мо́лим Тя:/
Пресвята́я Де́во, спаси́ ду́ши на́ша,/ всех ра́достей Ра́досте.

И ны́не, Богоро́дичен: <см. основной Чин>

Изменяемое №15

Кондак *глас 3:*

Ю́же подража́я непло́дную смоко́вницу,/ аз, ока́янный, умилéния
плода́ отню́д не приношú и посече́ния страшúся,/ но, взира́я к
чудотво́рней ико́не Твое́й Умилéния, Влады́чице,/ стено́ от се́рдца и
вопи́ю:/ умили́ся, Благосе́рдая,/ и мне, окамене́нному се́рдцем,
благоволи́ подати́ душе́вное и се́рдечное умилéние. *<далее см. основной Чин>*

На Литургии

Изменяемое №20

Прокимен, *глас 3:* Вели́чит душá Моя́ Го́спода,/ и возра́довася дух
Мой о Бо́зе, Спа́се Моéм. *Стих:* Я́ко призре́ на смире́ние Рабы́ Своея́,
се бо отны́не ублажа́т Мя вси ро́ди.

Другий прокимен, *глас 6:* Помяну́ я́мя Твое́/ во вся́ком ро́де и ро́де.
Стих: Оты́гну се́рдце моё сло́во бла́го.

Изменяемое №21

Аллилуиа, *глас 8:* Слы́ши, Дщи, и виждь, и приклони́ у́хо Твое́. *Стих:*
Лицу́ Твоему́ помóлятся богáтии лю́дстии.